

古今詞選

歸葉山房發行

古今詞選卷九目

吳江沈時棟焦音選

曲游春 二首

春雲怨 一首

綺羅香 二首

永遇樂 五首

二郎神 一首

合歡帶 三首

望梅 一首

解連環 一首

鼓笛慢 一首

尉遲杯 二首

夜飛鵲 一首

望海潮 四首

望湘人 二首

一萼紅 三首

惜黃花慢 一首

綠意 一首

風流子 二十四首

疎影 三首

霜葉飛 一首

透碧霄 一首

洞庭春色 四首

惜餘春慢 一首

過秦樓 三首

[Faint bleed-through text from the reverse side of the page, including titles like '洞庭春色' and '惜餘春慢']

古今詞選卷九

吳江沈時棟焦音選

曲游春

清明湖上

施岳

畫舸西泠路。占柳陰花影。芳意如織。小楫衝波。度麴塵扇底。粉香簾隙。岸
轉斜陽隔。又過盡別船簫笛。傍斷橋翠繞紅圍。相對半篙晴色。頃刻千
山暮碧。向沽酒樓前。猶繫金勒。乘月歸來。正梨花夜縞。海棠烟暝。院宇明
寒食。醉乍醒一庭春寂。任滿身露濕東風。欲眠未得。

又游西湖

周密

禁苑東風外。颺煖絲晴絮。春思如織。燕約鶯期。惱芳情偏在翠深紅隙。漠
漠香塵隔。沸十里亂絲叢笛。看畫船盡入西泠。閑却半湖春色。柳陌新
烟凝碧。映簾底宮眉。隄上游勒。輕暝籠烟。怕梨雲夢冷。杏香愁幕。歌管酬
寒食。奈蠓怨良宵岑寂。正恁醉月搖花。怎生去得。

春雲怨

鐵崖招飲湖中

曹溶

心情似昨。識枕柳菴底。一囊丘壑。雨洗平蠻碑額。銅鼓唱歌聲不惡。送客南還。鳳皇山曲。十二雕闌闕。紅藥。鐵石肝腸。龍蛇翰墨。肯負舊時諾。新酥試餅。玻璃薄。更洞庭春色。詞人風味。畫舫沿流汀畔泊。酒語淒然。半入潯陽。夜深絃索。綠鬢何如。青衫在此。淚與晚潮竝落。

綺羅香

春雨

史達祖

做冷欺花。將烟困柳。千里偷催春暮。盡日冥迷。愁裏欲飛還住。驚粉重、蝶宿西園。喜泥潤、燕歸南浦。最妨他、佳約風流。鈿車不到杜陵路。沈沈江上望極。還被春潮晚急。難尋官渡。隱約遙峰。和淚謝孃眉嫵。臨斷岸、新綠生時。是落紅帶愁流處。記當日、門掩梨花。剪燈深夜語。

又

路菜箱

余光耿

簾漾波紋。髻浮鏡彩。小格重重堆砌。南北東西。肩慣僕夫行李。茅店月曉

勸加餐。柳橋風晚，添殘醉。最堪憐。玉鱠金齏。江南鄉夢惱詩思。脂車曾
記那日。多少勻椒配豉。紅閨深意。七壓春蔥。裝滿却還嫌未。休論取底。益
方圓。總載盡別離滋味。到天涯。缺歎馮公。鑰魚方緊閉。

永遇樂

次韻弔青樓

高觀國

淺暈修蛾。脆痕紅粉。猶記窺戶。香斷奩空。塵生砌冷。誰喚青鸞舞。春風花
信。秋宵月約。怳怳此心曾許。銜芳恨。千年怨結。玉骨未應成土。木蘭艇
子。莫愁何在。謾繫寒江烟樹。事逐雲沈。情隨珮冷。短夢分今古。一坏遙夜。
孤光難曉。多少碎人腸處。空淒黯。西風細雨。盡吹淚去。

又

京口北固亭懷古

辛棄疾

千古江山。英雄無覓。孫仲謀處。舞榭歌臺。風流總被。雨打風吹去。斜陽草
樹。尋常巷陌。人道寄奴曾住。想當年。金戈鐵馬。氣吞萬里如虎。元嘉草
草。封狼居胥。贏得倉皇北顧。四十三年。望中猶記。烽火揚州路。可堪回首。

佛狸祠下。一片神鴉社鼓。憑誰問廉頗老矣。尚能飯否。

又

京口渡江
用辛稼軒韻

陳維崧

如此江山。幾人還記。舊爭雄處。北府軍兵。南徐壁壘。浪捲前朝去。驚帆蘸
水崩濤。颭雪。不為愁人少住。歎永嘉流人無數。神傷只有衛虎。臨風太
息。髯奴獅子。年少功名指顧。北拒曹丕。南連劉備。霸業開東路。而今何在
一江燈火。隱隱揚州更鼓。吾老矣。不知京口。酒堪飲否。

又

度雁
門關

朱彝尊

千里重關。憑誰蹋遍。鴈啣蘆處。亂水滄沱。層霄冰雪。鳥道連勾注。畫角吹
愁。黃沙拂面。猶有行人來去。問長途。斜陽瘦馬。又穿入離亭樹。猿臂將
軍。鴉兒節度。說盡英雄難據。竊國真王。論功醉尉。世事都如許。有限春衣
無多山店。酌酒徒成虛語。垂楊老。東風不管。雨絲烟絮。

又

和澹
心

吳綺

韻海書成。亭臯詠罷。有人於此。公事湖中。牀月下。兼署鶯花使。白頭有分。青編無據。中夜壯心頻起。賴相看風塵慰藉。尚有鴻妻霸子。鄣山喬木。隋隄芳草。何處燕巢鳩壘。半百將過。五千徒讀。莫辨臧三耳。謝公功業。杜郎詞賦。付與春婆夢裏。念華峰懶殘煨芋。急流將已。

二郎神

徐伸

悶來彈鵲。又攪碎一簾花影。謾試著春衫。還思纖手。重徹金猊燼冷。動是愁端如何向。但怪得新來多病。嗟舊日沈腰。而今潘鬢。怎堪臨鏡。重省。別時淚漬。羅襟猶凝。料為我厭厭日高慵起。長託春醒未醒。鴈足不來。馬蹄難去。門掩一庭芳景。空佇立。盡日闌干倚遍。晝長人靜。

合歡帶

周澹園納
姬揚州

王士祿

擅江東公瑾風流。况綺麗更揚州。喜得龍門人未腐。買清娛且伴遨遊。個儂還有黃華妙腕。絳樹清喉。倩明珠十斛。貯將金屋。移入瓊樓。惟燈照。

怯窗日憐羞。妝成倦倚香篝。不為筵前矜顧曲。笑即君底。費回眸。雙飛好去。華清側畔。繡嶺前頭。待他年學誓長生。同看織女牽牛。澹園以文禍幾不測故云龍門

未腐家臨潼故云華清繡嶺

又 花燭 辭

鄒祇謨

聽簫聲初下瑤京。燭影裏望雙成。黛隱猶疑山遠近。畫眉卽已到紅亭。迢迢銀漏。香塵暗度。繡榻微明。待來朝細覷。綠鬢雨膩。絳靨霞清。鬟垂玉導。肩暉珠纓。須知最小盈盈。按得綺魂搖颺處。夢雲透微帳。吹輕。今朝恰是初開百歲。滿合三生。看鴛鴦小閣燈花。何如書幌慕青。

又 為吳陵宮掌雷賦催妝詞

陳維崧

羨緋羅燭吐銀牆。燈影背響鳴璫。夾路如花還似霧。戟門前步步荀香。劇憐春夜。花融錦瑟。月亞金堂。況畫眉夫婿。清河小弟。杜曲諸郎。紗籠徐引。繡幙斜張。藍橋搗就玄霜。瓊島仙花偏竝蒂。珠囊畔一朵笙囊。朝來更

喜五銖裙細。百子釵長。問傍人宜稱何如。生憎喚作宮妝。

望梅

王沂孫

畫闌人寂。喜輕盈照水。犯寒先拆。裊數枝雲縷。鮫綃露淺淺塗黃。漢宮嬌額。剪玉裁冰。已占斷江南春色。恨風前素艷。雪裏暗香。偶成拋擲。如今
眼穿故國。待拈花弄蕊。時話思憶。想隴頭依約飄零。甚千里芳心。杳無消息。粉怯珠愁。又只恐吹殘羌笛。正斜飛。半窗曉月。夢回隴驛。

解連環柳

高觀國

露條烟葉。惹長亭舊恨。幾番風月。愛細縷先穿輕黃。漸拂水藏鴉。翠陰相接。纖軟風流。眉黛淺。三眠初歇。奈年華又晚。縈絆遊蜂。絮飛晴雪。依依
灞橋怨別。正千絲萬緒。難禁愁絕。悵歲久應長新條。念曾繫花驄。屢停蘭楫。弄影搖晴。恨閑損春風時節。隔郵亭。故人望斷。舞腰瘦怯。

鼓笛慢

秦觀

亂花叢裏曾攜手。窮艷景。迷歡賞。到如今。誰把雕鞍鎖定。阻游人來往。好夢隨春遠。從前事。不堪思想。念香閣正杳。佳歡未偶。難留戀。空惆悵。永夜嬋娟未滿。歎玉樓幾時重上。那堪萬里。却尋歸路。指陽關孤唱。苦恨東流水。桃源路。欲回雙槳。仗何人細與叮嚀問呵。我如今怎向。

尉遲盃

蔡松年

紫雲暖。恨翠雛珠樹雙棲晚。小花靜院相逢的。的風流心眼。紅潮照玉盃。午香重。草綠宮羅淡。喜銀屏小語私分。麝月春心一點。華年共有。好願何時定。妝鬟暮雨零亂。夢似花飛。人歸月冷。一夜小山新怨。劉郎興尋常不淺。況不似桃花春溪遠。覺情隨曉馬東風。病酒餘香相半。

又書悶

沈永啟

常私哂。羲娥逐轡到何時盡。漫催傀儡乾坤。陡若江濤亂滾。烟霞堪踏。恐走遍青山難覓隱。問劉伶僵卧糟丘。可銷鑠胸中憤。咄哉奚必沈吟憑。

誰把濁醪痛澆方寸。任雨暗風狂相闕。且報道醉鄉顏困。沒來歷靈均獨醒。便吟煞江皋者甚緊。但更防醉後無聊。還頻將袖兒搵。

夜飛鵲

周邦彥

河橋送人處。良夜何其。斜月遠墮餘輝。銅盤燭淚已流盡。霏霏涼露沾衣。相將散離會處。探風前津鼓。樹杪參旗。花驄會意。縱揚鞭亦自行遲。迢迢遞路迴清野。人語漸無聞。空帶愁歸。何意重經前地。遺鈿不見。斜徑都迷。兔葵燕麥。向斜陽影與人齊。但徘徊班草。欷歔酌酒。極望天西。

望海潮

高麗贈妓

趙可

雲垂餘髮。霞拖廣袂。人間自有飛瓊。三館俊游。百街高選。翩翩老阮才名。銀漢會雙星。尚相看脉脉。似隔盈盈。醉玉添春。夢雲同夜。惜卿卿。離觴草草同傾。記靈犀舊曲。曉枕餘醒。海外九州。郵亭一別。此生未卜他生。江上數峰青。悵斷雲殘雨。不見高城。二月遼陽芳草。千里路傍情。

又感舊

鄒登巖

暖風遲日。細侯門第。騎羊弄玉曾游。金雀雙鬟。文犀斜領。綠窗齊上簾鉤。
多半響瑩篋。記烏絲醉染。付與纏頭。側帽簪花。誰儂能道不風流。十年
一覺揚州。漸蠟珠成淚。繭粟添愁。舊燕猶存。畫闌人去。桐花空挂妝樓。暝
色不勝秋。歎心香錦字。零落誰收。選勝尋踪。前題還在短牆不。音浮

又感春

龔鼎孳

江山如此。年華依舊。分明又度春宵。銀鴨吐香。蓮銅滴月。朱闌瘦拂長條。
閒倚玉屏腰。見鬢雲送懶。羅襪藏嬌。怕被花窺。一天風露近藍橋。幽情
慣是無聊。記青綾寵愛。紅研丰標。隋苑鶯殘。吳宮月冷。蒼茫昨日今朝。清
夢轉迢迢。望碧天草色。烟雨淒遙。無計留春。淚絲偷印美人蕉。

又懷古

余懷

邗溝波浪。竹西歌吹。二分無賴揚州。水漲雷塘。草荒螢苑。春風廿四橋頭。

天子號無愁。到玉鈎斜畔。拂拭吳鉤。杜牧三生。空傳薄倖在青樓。江南江北聞游。正當鑪貫酒。攬鏡披裘。一片雄心。千年劫火。珠簾漫捲風流。王氣黯然收。看蜀岡飛翠。曲港環湫。滿目殘烟衰草。腸斷廣陵秋。

望湘人 茉莉

沈永禋

漸黃昏近也。淡月簾櫳。香膏百斛無價。寶合分酥。瓊甌護粉。不放等閒開謝。指印尖纖。汗潮融溜。薄紗厨下。正寂寥。簾展湘紋。冷浸一簾水麝。堪掬清芬盈把。想斜簪晚髻。玉釵光亞。洗瘴雨蠻烟。占斷嫩涼亭榭。因記舊約題封巾帕。多少剪燈低話。但曉來枕畔。端相莫忘。昨宵嬌姹。

又 鄭瑚山席上戲
為行酒者贈

曹溶

看書魚數拂。香鴨斜籠。添來一種心緒。欲喚牀泥。他同坐。又怕春風有主。巾幘慚多。鏡奩緣盡。寄情惟汝。笑江州司馬。纏綿錯為琵琶留語。重記長安飲伴。蚤落拓歸裝。江干倦旅。揀此夕停眠。消受更深紅炬。迴新影。

似隔簾金縷。誰慣著人如許。空宛轉堂上傳杯。天也廉纖寒雨。

一夢紅登蓬萊閣有感

周密

步深幽。正雲黃天淡。雪意未全休。鑑曲寒沙。茂林烟草。俛仰今古悠悠。歲華晚。漂零漸遠。誰念我同載五湖舟。磴古松斜。厓陰苔老。一片清愁。回首天涯歸夢。幾魂飛西浦。淚灑東州。故國山川。故園心眼。還似王粲登樓。最負他秦鬟妝鏡。好江山何事此時游。為喚狂吟老監。共賦銷憂。閣在紹興西浦

東州皆其地

又和玉霄感舊

尹濟翁

玉搔頭。是何人敲折。應為節秦謳。斐几朱絃。剪燈雪藕。幾回數盡更籌。草草又一番春夢。夢覺了風雨楚江秋。却恨閑身。不如鴻鴈。飛過妝樓。又是水枯山瘦。歎迴腸難貯。萬斛新愁。懶復能歌。那堪對酒。物華冉冉都休。江上柳千絲萬縷。惱亂人更忍凝眸。猶怕月來弄影。莫上簾鉤。

又癸丑
除夕

陳維崧

響銅籤許多年舊事。和恨壓眉尖。記得當初。後堂弟妹團團圍定紅簾。飲盡了屠蘇千盞。搗畫鼓。憨笑賭黃柑。十里春城。金蛾暗撲。火鳳交啣。自後也逢除夕。歎此生長是。弟北兄南。第宅俱非。顛毛都換。每因令節生嫌。只萬點官橋夜火。被風吹零亂。映疎簷。羨殺鄰家歲酒。隔巷春衫。

惜黃花慢

詠晚菊 用
吳夢窗韻

鄒祗謨

月珮烟裳。伴紗窗猶識半面徐孀。翠華嘉節。來遲洛浦。紫雲新苑。寵殿昭陽。芳妍不逐秋風嫁。塗嬌暈。自整慵妝。老是鄉。蘭膏照徹。倒盡瑤觴。亭亭傲雨欺霜。更艷凌楓赤。秀奪松黃。避風臺上。欲隨風舞。辟寒帳畔。偏透寒香。消魂簾捲人爭瘦。阿嬌去。金屋悲涼。莫斷腸。花神獨許清狂。詠菊詩
李嶠

舒洛媛浦香汎野人杯

李商隱紫
雲新苑移花處
松黃即松花也

綠意荷花

無名氏

碧圓自潔向淺洲。遠浦亭亭清絕。猶有遺簪。不展秋心。能卷幾多炎熱。鴛鴦密語同傾蓋。且莫與浣紗人說。怨歌忽斷。花風碎却。翠雲千疊。回首當年漢舞。怕飛去。謾縹留仙裙褶。戀戀青衫。猶染枯香。還笑鬢絲飄雪。盤心清露如鉛水。又一夜。西風聽折。喜淨看。匹練秋光。倒瀉半湖明月。

風流子

史達祖

紅樓橫落日。蕭郎去。幾度碧雲飛。記窗眼遞香。玉臺妝罷。馬蹄敲月。沙路人歸。如今但。一鶯通信。雙燕說相思。入耳舊歌。怕聽金縷。斷腸新句。羞染烏絲。相逢南溪上。桃花嫩。嬌樣淺。淡羅衣。恰是怨深腮赤。愁重聲遲。悵東風。巷陌草迷春恨。軟塵庭戶。花悞幽期。多少寄來芳字。都待還伊。

又 初春

秦觀

東風吹碧草。年華換。行客老滄洲。見梅吐舊英。柳搖新綠。惱人春色。還上枝頭。寸心亂。北隨雲黯黯。東逐水悠悠。斜日半山。暝烟兩岸。數聲橫笛。一